



REPUBLIKA E SHQIPËRISË

INSPEKTORATI I LARTË I DEKLARIMIT DHE KONTROLLIT TË PASURIVE
DHE KONFLIKTIT TË INTERESAVE
SEKRETARI I PËRGJITHSHËM

Nr. 1879 Prt

Tiranë më, 17.04.2015

Lënda: Raporti i monitorimit të performancës së produkteve të buxhetit të ILDKPKI, për 3 - mujorin e parë të vitit 2015.

Drejtuar: Znj. Gelardina PRODANI
NËPUNËS I PARË AUTORIZUES
MINISTRIA E FINANCAVE

TIRANË

Inspektorati i Lartë i Deklarimit dhe Kontrollit të Pasurive dhe Konfliktit të Interesave, në zbatimin e buxhetit të shtetit për 3-mujorin e parë të vitit 2015, është mbështetur në kërkesat më të domosdoshme institucionale, në zbatim detyrimeve që rrjedhin nga zbatimi i Ligjit nr.9049, datë 10.04.2003, "Për Deklarimin dhe Kontrollin e Pasurive, të Detyrimeve Financiare të të Zgjedhurve dhe të Disa nëpunësve Publikë", i ndryshuar dhe Ligjit nr.9367, datë 07.04.2005 "Për Parandalimin e Konfliktit të Interesave në Ushtrimin e Funksioneve Publike" i ndryshuar .

Inspektoratit të Lartë të Deklarimit dhe Kontrollit të Pasurive dhe Konfliktit të Interesave, në mbështetje të Ligjit nr.160/2014, datë 27.11.2014 "Për Buxhetin e vitit 2015", i është akorduar një fond i planifikuar prej 121 milion e 800 mijë lekë, i cili përbëhet nga:

Fondi i Pagave 76.1 milion (zëri 600)

Fondi i Sigurimeve Shoqërore: 8.9 milion lekë (zëri 601)

Fondi për Shpenzime Operative: 25 milion e 560 mijë lekë (zëri 602)

Fondi për Investime: 11 milion lekë (zëri 231)

Transferime korrente: 240 mijë lekë (zëri 606)

Buxheti i akorduar për programin "Menaxhim, Administrim, Palanifikim", është i mbështetur në Deklaratën e Politikës të hartuar gjatë procesit të PBA 2014-2016, program i cili do të mbështesë me fonde buxhetore realizimin e misionit të ILDKPKI.

Nga fondi i përgjithshëm buxhetor, në zbatim të Udhëzimit nr.2, datë 19.1.2015, "Për zbatimin e buxhetit të vitit 2015", për periudhën e raportuar, Inspektorati i Lartë ka realizuar vlerën buxhetore në 19,591,290 lekë leke ose 51.277%, të fondit të planifikuar për 3-mujorin e parë të vitit 2015.

Llog. Ek	Peshkrimi	Plani Buxheti vjetor 2014	Plan Buxheti 3-Mujor	Buxheti I realizuar 3-Mujor	Realizimi % si 3-Mujor	Buxheti I prokuruar 3-Mujor	Realizim Prok. % si 6-Mujor
600	Fond Page	76,100,000	18,300	15,346,468.5	84.0%	15,346,468.5	84.0%
601	Kontrib. Sig. Shoq. & Shëndetësore	8,900,000	3,000	2,180,522.5	73.0%	2,180,522.5	73.0%
602	Shpenzime operative	25,560,000	6,480	2,004,299.0	31.0%	4,460,002.0	68.83%
606	Transferime per financim transporti	240,000	60	60,000.0	100.0%	60,000.0	100.00%
231	Investime	11,000,000	10,369	-	0.0%	9,986,388.0	96.3%
	T o t a l l	121,800,000	38,209	19,591,290.0	51.27%	32,033,381.0	83.84%

Fondi i Pagave dhe Sigurimeve Shoqërore e Shëndetësore, (zeri 600-601), është realizuar në zbatim të strukturës organizative të miratuar. Gjatë 3-mujorit të parë të vitit 2015, numri mesatar i punonjësve është realizuar 55 vetë, nga 60 vetë të miratuar.

Fondi i përgjithshëm i pagave dhe i sigurimeve shoqërore dhe shëndetësore, për këtë periudhë, është realizuar për numrin faktik të punonjësve në vlerën 15,346,468.5 lekë ose 84% e fondit të planifikuar për periudhën Janar-Mars 2015 dhe për kontribute për sigurimet shoqërore dhe shëndetësore në vlerën 2,180,522.5 lekë ose 73%, e planifikimit për periudhën respektive.

Mosrealizimi i këtij fondi ka ardhur si rezultat i kryerjes së procedurave të rekrutimit, në mbështetje të planit vjetor të pranimit në shërbimin civil, në zbatim të ligjit 152/2013 "Për nëpunësin Civil" i ndryshuar dhe dispozitave ligjore në mbështetje të tij

Fondi për shpenzime në zerin investime (zeri 231) ,

Vlera e përgjithshme e planit të fondit të investimeve për vitin 2015 është 11 milion lekë. Për 3-mujorin e parë të periudhës respektive ky fond është prokuruar gjithsej në vlerën 9,986,388 lekë, ose 96.3% e planit 3-mujor. Vlera e mbetur përbën kursim të fondit buxhetor të investimeve, në saj të ndikimit të faktorëve të tillë si ligji për prokurimin elektronik si dhe të zbatimit korrekt të ligjshmërisë.

Inspektorati i Lartë, në zbatim të dispozitave ligjore financiare në fuqi dhe të planifikimit në Regjistrin e Parashikimeve të Prokurimeve Publike të vitit 2015, për këtë zë shpenzimi ka prokuruar fondet e planifikuara, për fondet e investimeve të vëna në dispozicion si;

- 1) Fondi i investimeve me objekt "Blerje pajisje kompjuterike dhe elektronike", miratuar si produkt nga Ministria e Financave, në vlerën 6,850,000 lekë është prokuruar me procedurën kërkesë për propozim dhe fituar nga firma "Infosoft Systems" shpk, në vlerën 5,996,388 lekë me tvsh, ose 87.53%. Likujdimi do të kryhet në mbështetje të kushteve të kontratës së lidhur ndërmjet palëve, datë 15.04.2015.
- 2) Fondi i investimeve me objekt "Blerje automjeti", miratuar si produkt nga Ministria e Financave në vlerën 4 milion lekë, është prokuruar në vlerën 3,990,000 lekë me tvsh, ose 99.75%, fituar nga firma "Albanian Motors Company" shpk me procedurën kërkesë për propozim. Likujdimi është kryer gjatë muajit Prill 2015, në mbështetje specifikeve teknike të miratuara në kontratën e lidhur ndërmjet palëve, datë 17.3.2015..

Fondi per shpenzime në zerin Mallra dhe Shërbime (zeri 602),

Edhe për këtë zë, për periudhën respektive është realizuar gjithsej vlera prej 2,004,299 lekë ose 31% e planifikimit 3-mujor dhe prokuruar vlera prej 4,460,002 lekë ose 68.83 % e fondit të planifikuar si 3-mujor, duke respektuar dispozitat ligjore ne fuqi .

Për këtë periudhë të vitit 2015, në realizimin e shpenzimeve operative, Inspektorati i Lartë është mbështetur në realizimin e kërkesave të cilat lidhen me;

1. Në realizimin e shpenzimeve, të detyrueshme ndaj shtetit, si detyrime taksa, energji elektrike, uje, shërbime postare e telefonike, në funksion të një veprimtarie normale institucionale të cilat për periudhën e raportuar janë realizuar 100% të fondit të planifikuar si 3-mujor.
2. Realizimin e shpenzimeve për blerje materiale e shërbime, sipas nevojave konkrete, për krijimin e kushteve të një aktiviteti normal institucional.

Ka përfunduar prokurimi me tender me procedurën kërkesë për propozim, me objekt shërbim me roje civile dhe konkretisht është prokuruar;

- Fondi me objekt "Shërbim me roje civile", prokurimi i të cilit është realizuar 81.2% e fondit limit të planifikuar, fituar nga subjekti privat "Nazeri 2000" shpk, në vlerën 2,533,114 lekë me tvsh. Likujdimi do të kryhet cdo muaj, sipas kushteve të kontratës së lidhur ndërmjet palëve, datë 5.3.2015.

Gjatë këtij 3-mujori janë realizuar me blerje të vogël, sipas procedurës elektronike prokurimi dhe realizimi i blerjeve materiale kancelari dhe shërbime të tjera.

Realizimi i te ardhurave nga veprimtaria e ILDKPKI.

Të ardhurat nga veprimtaria e ILDKPKI, vijnë kryesisht nga;

- Arkëtimi i gjobave të vendosura për rastet e shkeljes së detyrimeve ligjore, nga zyrtarë subjekt të ligjit të deklarimit dhe kontrollit të pasurive, të institucioneve të ndryshme, të cilat për 3-mujorin e parë të vitit 2015, janë 26 raste, në vlerën 3,330,000 lekë.
- Zyrat Përmbartimore të rretheve për ekzekutimin e vendimeve të gjykatave, për gjobat e vendosura për rastet e shkeljes së detyrimeve ligjore nga zyrtarë subjekt të ligjit. Për 3-mujorin e parë të vitit 2015, janë ekzekutuar tërësisht gjithsej 22 raste, në vlerën 1,436,000 lekë, arkëtimi i të cilave në favor të ILDKPKI, është në proces likujdimi.
- Të ardhura të tjera të cilat për periudhën respektive, janë në vlerën 5,669 lekë.

Gjithsej të ardhurat të arkëtuara për 3-mujorin e parë të vitit 2015, janë në vlerën 3,335,669 lekë.

Të gjitha këto të ardhura, të realizuara në zbatim të ligjeve organike mbi të cilat funksionon Inspektorati i Lartë dhe të VKM nr.432 dt.28.06.2006 "Mbi të ardhurat në Institucionet Buxhetore", kalojnë në Buxhetin e Shtetit në masën 100%.

Për periudhën në vazhdim në mbështetje të kërkesave në rritje, për përmirësim e mëtejshëm të punës në zbatimin e qëllimeve dhe objektivave të përcaktuara, do të zbatohet me korrektesi të gjitha detyrimet që rrjedhin nga ligji për deklarimin dhe parandalimin e konfliktit të interesave private të zyrtareve, si dhe legjislacionin financiar në fuqi.

